


中國古典文學基本叢書

中華書局



劉克莊集笺校

第五冊

中國古典文學基本叢書

劉克莊集箋校

第五冊

〔宋〕劉克莊 著
辛更儒 校注

中華書局

劉克莊集箋校卷三〇

按：本卷詩，起寶祐六年戊午（一二五八）冬，迄開慶元年己未（一二五九）。奉祠家居諸作。

詩

志仁監簿示五言十五韻，夸徐潭之勝，次韻一首^(二)

嵐翠屏環墅，溪光練抹坤。尚書華棟改，先輩釣磯存。久卧漳濱疾，誰招楚澤魂？昔慚葵衛足，今喜葉歸根。自志臺卿墓，休爭謝傅墩。牧慵貪草暖，鳥急怕林昏。時待樵分席^①，何煩客掃門？早嫌皮袋臭，晚悟髑髏尊。童子便高枕，偷兒瞰短垣。歲寒始知柏，劫火不焚璠。恩未忘簪履，衰難戀廐軒。抽身脫膠擾，掩耳避啾喧。聯句那無藉，藏書幸有繁。故交頻暖熱，新貴斷寒暄。籬落多疏闕，猶須折柳樊。

【校】

①「待」，四部叢刊本作「許」。

【箋注】

二題，志仁，即趙時願。

南宋館閣續錄卷七秘書丞景定以後：

「趙時願字志仁，玉牒。」

紹定五年徐

元杰榜進士及第，治詩賦，四年四月除。」

弘治興化府志卷一六宋進士科：

「紹定五年壬辰徐元

杰榜：趙時願，庚夫之子。

甲科第五人，中奉大夫，工部侍郎。」

徐潭，即後村所營生壙之地。

和鄉守宋監丞勸駕一首

①(一)

龔陳盛事記當年，重見奎星聚舊躔。瑞日賦工豈迷色，慶雲詩妙似非煙。柳子厚省試慶雲圖
詩，有「非煙繞御爐」之句。馳千里足相期遠，占百花頭孰敢先？老子扶衰看畫錦，瓊林春好
莫留連。

【校】

①「宋」，原本及四部叢刊本均誤作「朱」，徑改。

【箋注】

（二）鄉守宋監丞勸駕，此知興化軍宋遇爲促應試舉人赴行在而賦詩。

送德甫侄省試^{（二）}

絕出雕蟲輩，相期竹馬年。二魁家有樣，四世里興賢。吾家尤利鄉舉。雪鬚吾還笏，霜蹄汝著鞭。微痾真換骨，骨換不難仙。

【箋注】

（二）德甫，成之次子。本書卷一五三古田弟墓志銘：「孟容劉氏，名成，乾道太史公諱某之孫，習靜先生諱某之子。母徐孺人。由鄉賦擢丙戌進士，監慶元府苗米倉，羅源令，坑冶司檢踏官，青田令，湯鎮催煎官。用考舉，改宣義郎知古田縣。道聞習靜訃，徒跣馳歸，哀毀過甚，不數月亦卒，

淳祐丁未孟春戊申也。年五十三，娶林繼謝，子男四人：性甫、德甫，二幼。」

錢鄉守宋監丞二首^(二)

束起蒲鞭教令清，郡人未識疾呼聲。甌閩莫不興於學，虞芮忘其所以爭。父老見棠思舊愛，兒童騎竹若初迎。何須更說郎官省，小却猶當拜水衡。

二

牛屋漁磯在履封，晚將身世託春風。荒原拾穗誰憐我，小隊尋花屢屈公。耄有鬚眉如蓋老，衰無歌誦美文翁。明時各遂飛潛性，去矣鞭鸞碧落中。

【箋注】

(二)題，本年底，宋遇任滿去職，右詩爲錢送所作。

贈音上人 本右庠諸生曾一飛〔一〕。

脫白披緇迹涉奇，傍人能說舉幡時。禪家合掌來參請，烏寺搖頭不住持。喜捨未逢大檀越，實封輸與小沙彌。是凡是聖都休問，且爲渠看一袖詩。

【箋注】

〔一〕音上人即曾一飛無考。右庠，據尊白堂集卷五馮惟說除武學博士制之「國家設學教養，文武並用。而右庠之士，議論氣節，尤勁培植而作成之，師儒責也」諸語，所謂右庠，即武學也。

贈王月軒，用意一韻〔二〕

江湖少菰米，京洛足風塵。生命主窮鬼，贈詩多貴人。芒鞋雙屐遠，斗糶一家貧。吾力輕於羽，安能舉百鈞？

【箋注】

(二)題，王月軒，無考。意一，即徐清叟。詳可參本書卷三三挽意一徐樞二首詩箋注。

己未元日(二)

久向優場脫戲衫，亦無布袋杖頭擔(三)。化彌勒身千百億，問絳人年七十三。諸老蕭疏留後殿，高僧滅度少同參。未應春事全無分，醉折緗桃蒲帽簷。

【箋注】

(二)己未，即開慶元年。

(三)亦無句，布袋，據贊寧宋高僧傳卷二二唐明州奉化縣契此傳，此人寢卧隨處，常以杖荷布囊入纏肆，見物則乞，食物入口，分少許入囊，號爲長汀子、布袋師。終後又見於他州，亦荷布袋，江浙間多圖其像。

淮捷一首^(二)

掃地南來蜂出窠，裔夷謀夏欲如何？傳聞撻覽斃一矢，驚走單于騎六羸。匹馬隻輪番部曲，十天尺地漢山河。晉公幕府多名士，不欠寒儒作凱歌。

【箋注】

(一)淮捷，寶祐六年九月，蒙古軍帥也柳千攻入淮南。揚州之役，也柳千戰死，字花被俘。元史卷一
二九阿剌罕傳：「及大將察罕卒，也柳千領其職，拜諸翼軍馬都元帥，統大軍攻淮東、西諸郡。
戊午，戰死揚州，阿剌罕襲爲諸翼蒙古軍馬都元帥。」本書卷一六〇英德趙使君墓志銘：「魯公
奏署淮西機宜。虜人寇，其酋字花擁數萬衆薄城，魯公身督戰，選幕客自隨，公在選中。縛字花
至戲下。」又，知真州兼淮東提刑杜庶亦在廬州擊敗蒙古軍，並出奇深入河南地，焚毀蒙古軍，
蒙古軍退，又遣將於望仙、白沙城與蒙古戰獲捷，見本書卷一六三制置杜大卿墓志銘。吳潛履
齋遺稿卷三忠節廟記：「寶祐戊午九月，敵大舉人寇淮東，圍廣陵，蹂通泰，躡儀真，驅略人畜而
北歸。淮西總管智原策其過淮，必取五湖渡，請以舟師剿之。既而敵知有備，遂轉由安豐。智

原以節制司命提兵往援，至則合諸將會議，約蹙敵於城下，彼此緩急，必速救應。衆曰諾。遂引兵往西門，嚴陣以俟。午後敵擁衆至安豐南門，智原激厲將士，奮入敵陣，自未至酉，戰數十合，手刃敵首數人，橫屍蔽野。敵大懼，遂悉兵夾擊我師，智原奮呼，復鏖殺數百，適敵後軍至，其勢愈張，智原戰愈急。會素與智原有隙者嫉其成功，擁兵自衛，坐視不救，智原軍力屈勢窮，猶勉勵餘卒，戰久之，援絕而沒。宋史全文卷三五：「寶祐六年十一月癸酉，兩淮制臣賈似道奏：「淮境肅清，前後諸捷，凡獲馬疋千計，器甲萬計，奪回被掠者七千餘人。」晉公，即借唐宰相裴度指賈似道。

凱歌十首呈賈樞使(二)

孔明籌筆即天威，謝傅圍棋亦事機。武騎散羣望洋退，佛狸忍渴飲溲歸。

二

翦稱名將豈其然，汲汲惟求宅與田。見說淮兵殊死戰，相公喝犒是私錢。

三

活俘萬戶虜無酋^①，拔寨宵奔黑侵收。不用偏師追出塞，殺胡林只在揚州。

四

東南立國惟王謝，西北籌邊只范韓。公不衮衣假黃鉞，吾能右衽更巍冠？

五

君親一念與天通，麾下人人可即戎，豈敢全軀顧妻子，相公將母在軍中。

六

將謂長淮已蕩平^②，豈知什塹又顛坑。從今莫近他城子，怕有南人夜斫營。

七

清野都無寸草留，暴師塞下欲何求？東風借便天亡敵，春水方生早去休^③。

八

羽檄聯翩趣募兵，單槍一劍覓功名。健兒爭欲趨淮闔，宣相相看若父兄^③。

九

殘黨分兵盡撲除，遊魂多不返穹廬。肅清執至龍顏喜^④，又奏淮西有捷書。

十

自古勲名勒鼎彝，老於文學即今誰？腐儒尚可軍司馬，試作平淮第二碑。

【校】

①「酋」，原作「首」，據四部叢刊本改。

②「已蕩」，原闕，據清抱經樓本補。

③「相相」，前「相」原闕，據清抱經樓本補。

④「至」，原作「玉」，據四部叢刊本改。

【箋注】

(二)題，右組詩十首，當作於賈似道實慶六年十一月奏捷之後，已至開慶元年春。宋史卷四四理宗紀四：「寶祐六年十一月壬戌，……賈似道樞密使、兩淮宣撫使。……甲戌，淮東帥臣奏大元兵退。」右組詩謂賈似道爲「宣相」，正是寶祐六年底、開慶元年春際之言。

(三)東風二句，杜牧赤壁詩：「東風不與周郎便，銅雀春深鎖二喬。」資治通鑑卷六六：「建安十八年春正月，曹操進軍濡須口，號步騎四十萬，攻破孫權江西營，獲其都督公孫陽。權率衆七萬禦之，相守月餘，操見其舟船器仗軍伍整肅，歎曰：「生子當如孫仲謀，如劉景升兒子豚犬耳。」權爲賤與操，說「春水方生，公宜速去」。別紙言「足下不死，孤不得安」。操語諸將曰：「孫權不欺孤。」乃徹軍還。」

飲良翁宮教新第二首^{①(一)}

拂袖歸來計未疏，別規爽塏卜新居。即今獨擅百弓地，當日惟携一束書。戶外何須置行馬？坐中不必盡懸魚。渠亦苦與人家國^②，輸與興公賦遂初^③。

負郭依山遠市塵，高宜臺榭下宜田。徑當膏秣從盤谷，似向丹青見輞川。別墅暮年
□□□□^③，□□□□□□南遷。與君幸已抽身了^④，共結黃雞白酒緣。

【校】

①「良」，原作「良」，徑改。

②「苦」，四部叢刊本作「若」。

③「年」，原闕，據清醉經閣本補。

④「幸已」，四部叢刊本作「辛巳」。

【箋注】

〔二〕題，良翁官教，即李丑父。本書卷一六四有李良翁禮部墓志銘。李丑父於端平二年登第後，嘗任刑工部架閣，太學正，博士，諸王官大小學教授。墓志銘有「再入未幾，復引去」語。

〔三〕渠與二句，冊府元龜卷五四〇：「桓溫見綽表，不悅曰：『致意興公，何不尋君遂初賦，知人家

國事邪？」同書卷八三八：「孫綽字興公，楚之子，博學善屬文。少居於會稽，遊於山水十有餘年，乃作遂初賦以致其意。」

次韻二首

老懶尤於筆硯疏，難陪騎省賦閑居^(一)。去周柱下誰爲史？傳鄴侯家尚有書。臺饋不煩公粟肉^(二)，戶租難辦客車魚。側旁萬一鄰堪買，便擬誅茅近太初。

二

半生竊祿取禾塵，晚節休官失秫田。伴陸先生游甫里，同陶徵士訪斜川。鳳池信美其如奪，鶯谷雖幽不願遷。自笑劉牆如許短，謫仙壇未易扳緣。

【校】

①「粟肉」，四部叢刊本作「粟內」。

【箋注】

〔二〕老懶二句，晉書卷五五潘岳傳：「既仕宦不達，乃作閑居賦。」潘岳爲散騎侍郎，故謂之潘騎省。

翌日宮教惠詩，次韵二首

忘機鷗鳥日相親，鼻祖曾言畏四鄰〔二〕。幸有山林容此老，不將籬落寄他人。誰能交結今韓呂〔三〕，猶記周旋昔鄭陳。晞髮中庭躡足卧，絕勝雅拜望車塵。

一一

即今身在水雲間，不著斯人玉笋班。子美步歸猶戀闕，浩然肩聳徑還山。人情薄似平原酒〔三〕，世路危於灩澦灘。華棟把茅皆幻假，祝君黃髮映朱顏。

【箋注】

〔二〕畏四鄰，老子：「古之善爲士者，微妙玄通，深不可識。夫惟不可識，故強爲之。容豫兮若冬涉

川，猶兮若畏四鄰。」

〔三〕誰能「句，宋史卷三二七王安石傳：「安石本楚士，未知名於中朝，以韓呂二族爲巨室，欲借以取重，故深與韓絳、絳弟維及呂公著友。」

〔二〕平原酒，唐李賀浩歌：「買絲繡作平原君，有酒唯澆趙州土。」

再次韵二首

阮生未老各情親^①，誰道先生不覲鄰。莫管彈丸驚鴨者，豈無沽酒與魚人^②。何曾膝上推文度，亦許車中載小陳。陳太丘訪荀淑，長文尚小，載著車中^③。賜第京師即山鑄，得如跳出軟紅塵。

一一

投老參陪杖履間，頗容摘宋更薰班。端能面我九年壁，余自去國經今九年^④。不惜分君一半山。絕喜庚桑來畏壘^⑤，懶爲涑水續涪灘^⑥。夷居巷處何嘗陋^⑦，但看當年孔與顏。